

D. JOSE MARIA BAÑOS CAMPO, SECRETARIO DO EXCMO. CONCELLO DE MONFORTE DE LEMOS

CERTIFICO:

Que a Xunta de Goberno Local, na súa sesión celebrada o día 27 de febreiro do 2017, adoptou entre outros o seguinte acordo:

“5. CONTRATACIÓN E SERVIZOS.

A)CONTRATACIÓN.

A3. ADQUISICIÓN DUN EQUIPO DE RADIOCOMUNICACIÓNS PARA A POLICÍA LOCAL DO CONCELLO DE MONFORTE DE LEMOS (EXP.007-SUBMEN17).

1.- De acordo co disposto no artigo 9 do RD Lexislativo 3/2011, de 14 de novembro, polo que se aproba o texto refundido da Lei de contratos do sector público (TRLCSP), son contratos de subministración “*aqueles que teñen por obxecto a adquisición, o arrendamento financeiro, ou o arrendamento con ou sen opción de compra, de produtos ou bens mobles...*”.

2.- Pola súa banda, o TRLCSP, regula nos artigos 111 e 138.3, o contrato menor.

De acordo con estes artigos os contratos menores, que se definen exclusivamente pola súa contía, a tramitación do expediente só esixirá a aprobación do gasto, e a incorporación ao mesmo da factura correspondente que reúna os requisitos regulamentariamente establecidos.

Non entanto no contrato menor de obras, deberá engadirse, ademais, o orzamento das obras, sen prexuízo de que deba existir o correspondente proxecto cando normas específicas así o requiran. Deberá igualmente solicitarse o informe de supervisión a que se refire o artigo 125 do TRLCSP cando o traballo afecte á estabilidade, seguridade ou estanquidade da obra.

Os requisitos esixidos polo TRLCSP, teñen o carácter de mínimos polo que non existe impedimento en que, por parte do órgano de contratación, esíxanse outros en orde a delimitar os dereitos e obrigacións que asumirán as partes do contrato.

Neste senso, a base 33ª das de execución do orzamento do Concello, referida aos contratos menores, precisa que .-“ *A fin de garantir unha mellor xestión dos créditos orzamentarios, cando a contía sexa superior a 3.000 euros máis IVE e inferior a 18.000 euros máis IVE, o expediente conterá unha proposta de realización do gasto na que se xustificará a necesidade da contratación e a insuficiencia de medios propios. Dita proposta se presentará detallada e valorada, e deberá quedar acreditado no expediente*

a consulta como mínimo a tres empresas (deberán solicitarse a lo menos tres ofertas que se presentarán no Rexistro municipal de entrada), salvo que resultase imposible ou inconveniente por razóns que deberán acreditarse no expediente. Esta proposta unha vez informada polo Técnico de Contratación Municipal e fiscalizada pola intervención se someterá a aprobación do órgano municipal competente (fase AD).

Respecto deste último, constan no expediente solicitude de orzamento ás seguintes tres empresas para a realización da subministración.-

D.M.R. COMUNICACIONES, S.L.	NRE. 2708/2017
TV SET, S.L.	NRE. 2709/2017
SONIDO COLLAZO, S.L.	NRE.2710/2017

Por máis abastamento, a citada base 33ª.2 precisa que.-"as propostas de contratos menores deberán remitirse para a súa tramitación ao Servizo de Contratación, para os efectos de comprobar que a persoa física ou xurídica proposta para a execución do contrato estea ao corrente das súas obrigacións tributarias e da Seguridade Social, non estea incurso nas prohibicións de contratar e que en consecuencia reúne as condicións para ser contratista coa Administración Pública, do que o responsable da oficina de contratación deberá deixar constancia escrita no expediente".

A tal efecto, consta no expediente unha declaración responsable acreditativa das condicións de aptitude e capacidade do contratista, a cal terá os efectos previstos no artigo 61 bis do TRLCSP.

Sobre os efectos da declaración responsable, a Intervención xeral da Comunidade de Madrid no seu informe de 19.7.2007 emitido sobre un procedemento en materia de subvencións, indica que.-"*La declaración responsable, por lo tanto, dado que así lo establece su normativa reguladora y dado que se trata de un supuesto en el que está permitido por la norma sustantiva, es en sí misma, una forma de acreditación de las circunstancias que en ella se recogen, cuya validez para el procedimiento no debe ser objeto de duda, a no ser que existan elementos de juicio derivados de la documentación que obre en poder de la Administración concedente o que sea conocida por ésta, que permitan al órgano al que corresponde su valoración estimar que en la empresa afectada no concurren las circunstancias declaradas".*

3.- Pola súa banda, de conformidade co establecido no citado artigo 138 do TRLCSP, a denominación de contratos menores, o é en consideración ao seu importe, que ha de ser inferior a 50.000 euros, cando se trate de contratos de obras, ou a 18.000 euros, cando se trate doutros contratos.

Estes contratos non poderán ter unha duración superior a un ano, nin ser obxecto de prórroga nin de revisión de prezos (art. 23 ex. art. 89 TRLCSP).

4.- A competencia para contratar, de conformidade co previsto no apartado primeiro da Disposición Adicional Segunda do TRLCSP, atribúese ao Alcalde, sempre que o importe do contrato non supere o 10 por 100 dos recursos ordinarios do Orzamento. Se sé supera a referida porcentaxe a competencia corresponderá ao Pleno. Non entanto, por Decreto de Alcaldía de 18.06.2015 (BOP nº160 de 14.7.2015), dita competencia atópase delegada na Xunta de Goberno Local do Concello de Monforte de Lemos.

Polo que antecede, a Xunta de Goberno Local, adopta por unanimidade o seguinte ACORDO:

PRIMEIRO.- APROBAR o gasto correspondente á adxudicación da subministración que poderá ser contabilizado con cargo á aplicación 133.62300 do vixente orzamento xeral municipal.

SEGUNDO.- ADXUDICAR, por “contrato menor”, a subministración do Equipamento de Radiocomunicación para a Policía Local do Concello de Monforte de Lemos á empresa D.M.R. Comunicaciones, S.L. con CIF. B-36.768.794 e/r D. Guillermo Comesaña Rodríguez con DNI. 36.059.870-X polo importe de 7.378,50.-€ aos que habería que engadir 1.549,49.-€ en concepto de IVE (21%) o que fai un total ascendente de 8.927,99.-€, segundo oferta que achega (NRE. 2708/2017).

(En todo caso, a presente subministración quedará condicionada á obtención polo Concello da preceptiva autorización en materia de telecomunicacións.*

TERCEIRO.- Unha vez realizada a subministración, incorpórese a factura e tramítese o pago se procede.

CUARTO.- NOTIFICAR o presente Acordo ao adxudicatario e demais interesados no procedemento.”

E para que así conste e coa salvedade prevista no artigo 206 do ROF, expido e asino a presente de orde e co visto e praxe do Sr. Alcalde, en Monforte de Lemos, a vinte e sete de febreiro de dous mil dezasete.

Vº e Pce.

O ALCALDE

